



KOMUNIKADO PA PRENSA

Fecha

7 ougùstùs 2017

Kolaboradó di Maneho

Corinne Leysner

Email

corinne.leysner@gobiernu.cw

Situashon na lusnan di tráfiko krusada Schottegatweg Noord/Suffisantweg ta kambia

Willemstad - Pa fin di e siman aki ta bira posibel pa outomobilistanan hasi un 'U-turn' biniendo for di Schotteweg West direkshon di Biesheuvel, na e krusada Schottegatweg Noord/Suffisantweg. E cambio ta hasié posibel pa tráfiko lora bai den direkshon di warda di polis na Rio Canario òf Winston Churchillweg.

Riba djabièrnè dia 11 di ougùstùs próksimo, e kompania DCG-Services, ta instalá e lusnan di tráfiko adaptá, entre 9'or i mitar di 12 di mainta. Durante di e trabounan e lusnan di tráfiko na e krusada lo ta pagá. Outomobilistanan mester tene cuenta ku esaki i mester paga bon tinu riba tráfiko.

A disidí pa e cambio aki pa motibu di hopi petishon di públiko mes i tambe di kuerpo polisial. Obra Públiko i Polis Tékniko ta pidi tur hende pa tene cuenta ku e trabounan di instalashon i pa tene kuido ku tur hende tin ku adaptá na e posibilidat di por hasi un 'U-turn' na e kaminda menshoná.